



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIV

BROJ: 235

DATUM: 27.1.2017.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Savez se protivi izmjenama Zakona o zaštiti i spašavanju i materijalnih dobara od prirodnih i drugih nesreća

Tematska sjednica Saveza u medijima

Žestoko protivljenje OV Jablanica protiv predloženih izmjena trase Koridora VC

U Čapljini održana znanstvena konferencija Zaštita i upravljanje vodama

Osnovna škola Edhem Mulabdić dobila projekat energetskog utopljanja

Potpisani ugovori o početku gradnje Vjetroelektrane Podveležje- najavljuvane osam godina

Srebrenik pokriven videonadzorom

Projekat razvoja tržišne poljoprivrede

Održan seminar „Prostorno planiranje zakonodavstva – osnovna načela i praktična primjena“

Prezentirana svrha, namjena i planirane aktivnosti za izradu Geoportala

Nakon posjete općinske delegacije: Turci grade novu Osnovnu školu u Kalesiji

Potpisan ugovor sa Zemljoradničkom zadrugom VIP "DRINA" Ustikolina

Maja Jačević pokrenula posao uz pomoć Općine Centar

Tuzla se prisjetila Martina Luthera Kinga: Promovirajmo filozofiju ljubavi, a ne nasilja

Općina Stari Grad prelazi na međunarodni standard ISO 9001:2015

E- learning kurs za općine i gradove

Najava obilježavanja dana općina i gradova za mjesec februar/ veljača

Bilten Saveza općina i gradova Federacije Bosne i Hercegovine

SAVEZ SE PROTIVI IZMJENAMA ZAKONA O ZAŠTITI I SPAŠAVANJU I MATERIJALNIH DOBARA OD PRIRODNIH I DRUGIH NESREĆA



TRAVNIK, 25. januara/ siječnja 2017. Savez općina i gradova Federacije BiH protivi se izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća, koje je u formi prijedloga utvrdila Federalna vlada.

Na sjednici Saveza, koja je održana u Travniku, istaknuto je da zakonske izmjene, koje Vlada planira po hitnoj proceduri uputiti u parlamentarnu proceduru, predviđaju ukidanje naknade za zaštitu i spašavanje, koja se do

sada izdvajala u iznosu 0,5 posto na plaće u Federaciji BiH. Time bi, kako je rečeno, došlo do negativnih efekata u organiziranju i opremanju struktura Civilne zaštite, čime bi se ugrozila sigurnost ljudi i materijalnih dobara u lokalnim zajednicama.

„Protiv smo ovih zakonskih izmjena, jer nam se ne mogu dati obveze i ogromna odgovornost, a uzeti sredstva zahvaljujući kojima možemo reagirati u slučaju nesreća“, kazao je novinarima savjetnik načelnika Općine Centar Sarajevo Mustafa Resić.

Sjednici je nazočio i direktor Federalne uprave Civilne zaštite Fahrudin Solak koji je kazao da predloženim zakonskim izmjenama Vlada Federacije BiH odgovara na zahtjev Međunarodnog monetarnog fonda (MMF), koji je tražio smanjenje nameta na poslodavce.

„Vlada je prihvatila obveze iz Pisma namjere MMF-u i mora ispoštovati ono što je potpisala. Smatram da će sustav civilne zaštite biti poprilično ugrožen, ali sigurno će postojati neka alternativa kako nadomjestiti sredstva, ukoliko ova budu ukinuta“, kazao je Solak.

Načelnik Općine Travnik Admir Hadžiemrić istaknuo je kakao je općina Travnik imala iskustvo s poplavama 2014. godine, naglašavajući da ne bi uspjela reagirati bez spomenutih sredstava. „Ova sredstva su nam pomogla da odmah reagiramo i spriječimo veće posljedice. Ako nemate tih sredstava, nema ni alata za prevenciju niti za saniranje posljedica“, kazao je Hadžiemrić.

Na sjednici Savez općina i gradova Federacije BiH zatraženo je da se pod hitno organizira sastanak s predstavnicima Vlade Federacije BiH, kako bi se razgovaralo o donošenju zakona koji će biti povoljan za jedinicu lokalne samouprave.

TEMATSKA SJEDNICA SAVEZA U MEDIJIMA

Tema dana BHTV
Prilog Federalne televizije
Prilog Televizije Sarajevo TVSA
Slike i tekst Travički.info
Tekst Novinske agencija Patria
Tekst portala Pogledi.ba
Tekst TNT portala





ŽESTOKO PROTIVLJENJE OV JABLANICA PROTIV PREDLOŽENIH IZMJENA TRASE KORIDORA VC

Općinsko vijeće Jablanice, na vanrednoj sjednici održanoj u ponedjeljak, 23. januara/siječnja, jednoglasno je usvojilo zaključak kojim se ne prihvataju amandmani na Prijedlog prostornog plana područja posebnih obilježja od značaja za Federaciju BiH "Autoceste na Koridoru Vc". Općinsko vijeće Jablanice zatražilo je od Vlade Federacije BiH, poslanika u



Predstavničkom domu i delegata u Domu naroda Parlamenta FBiH da se uvažavaju interesi općine Jablanica i općina koje gravitiraju priključku na koridor Vc planiranom u mjestu Glogošnica, općina Jablanica, tako što će odbaciti predložene amandmane ili podržati Prijedlog izmjene amandmana na Prostorni plan područja posebnih obilježja od značaja za FBiH "Autocesta na Koridoru 5c", u dijelu koji se odnosi na dionicu trase 7: Sarajevo jug (Tarčin) - Konjic (petlja Ovčari) i dionicu 8: Konjic (petlja Ovčari) - Mostar (sjever). Zatraženo je da se dosljedno ispoštuju obaveze iz Evropske povelje o lokalnoj samoupravi i Zakona o principima lokalne samouprave FBiH, koje propisuju da se jedinice lokalne samouprave obavezno konsultuju u postupku donošenja Prostornog plana područja posebnih obilježja od značaja za FBiH "Autoceste na Koridoru 5c". Politički subjekti koji participiraju u Općinskom vijeću Jablanice zaduženi su da preko ministara u Vladi FBiH, poslanika u Predstavničkom domu i delegata u Domu naroda Parlamenta FBiH, urgiraju na dosljednom provođenju zahtjeva i stavova u vezi sa priključkom na "Autoceste na Koridoru Vc" iskazanih u Deklaraciji OV općine Jablanica, zaključcima vanredne sjednice Općinskog vijeća Jablanica i Sporazumu općinskih načelnika općina koje gravitiraju priključku u Jablanici, zaključeno je, između ostalog, na sjednici Općinskog vijeća Jablanica. Na sjednici Predstavničkog doma Parlamenta Federacije BiH, 25. januara/siječnja, načelnik Općine Jablanica prenio je zaključke Općinskog vijeća Jablanica i stavove još sedam općinskih načelnika (Konjic, Prozor-Rama, Gornji Vakuf, Donji Vakuf, Bugojno, Jajce, Tomislavgrad) koji su se zajednički usprotivili ponuđenim rješenjima jer smatraju da, u konačnici, znače ostavljanje čitavog ovog područja u ekonomskoj izolaciji i besperspektivnosti. Vladini amandmani na Prijedlog prostornog plana posebnih obilježja od značaja za Federaciju BiH "Autocesta na Koridoru 5C" i pored žestokog protivljenja iz Jablanice prihvaćeni su većinom glasova na jučerašnjoj sjednici Predstavničkog doma Federalnog parlamenta. Po riječima Zdenka Antunovića, savjetnika federalnog ministra prostornog uređenja, najznačajnije izmjene predviđene Vladinim amandmanima odnose se na dionicu Konjic (petlja Ovčari) - Mostar Sjever. Omogućavaju jeftinije i bolje rješenje izgradnjom tunela Prenj i skraćivanje trase autoputa za 18 kilometara, kao i veću isplativost projekta, rekao je između "Vladinim amandmanima obuhvaćena je i definirana kompletna trasa Autoceste koridora 5C od Svilaja (granica s Hrvatskom na sjeveru) do Bijeće na jugu, na granici s Hrvatskom, koja će omogućiti pobeživanje Koridora i Jadransko-jonske autoceste, odnosno utvrđen je konačan položaj trase Autoceste kroz teritorij BiH-", Antunovićev su riječi. Vladinim amandmanima predviđene su i korekcije trase od Doboja-Juga do Drivuše, čime se, kako je on dodao, rješava pitanje priključka autoceste Tuzla-Žepče na autocestu na Koridoru 5C i definira trasa Koridora kroz Žepče. Izrađeno je idejno rješenje interregionalnog čvorišta u području južno od Žepča.

Zatraženo je da se dosljedno ispoštuju obaveze iz Evropske povelje o lokalnoj samoupravi i Zakona o principima lokalne samouprave FBiH, koje propisuju da se jedinice lokalne samouprave obavezno konsultuju u postupku donošenja Prostornog plana područja posebnih obilježja od značaja za FBiH "Autoceste na Koridoru 5c".



Grb Općine Jablanica

U ČAPLJINI ODRŽANA ZNANSTVENA KONFERENCIJA ZAŠTITA I UPRAVLJANJE VODAMA



Grb Općine Čapljina



Imajući u vidu kompleksnost vodnog područja na prostoru općine Čapljina kao i cijele Hercegovine 20. januara/ siječnja se u Čapljini održala znanstvena konferencija na temu „Zaštita i upravljanje vodama“. Glavni cilj konferencije bio je usmjeren na iznalaženje najboljih rješenja koja će donositeljima odluka dati konkretne preporuke za bolje upravljanje i zaštitu vodnih resursa ovog i šireg područja Hercegovine. Okupljanjem različitih interesnih skupina iz

gospodarskog, privatnog i nevladinog sektora, znanstvenog područja kao i federalnih i državnih institucija pridonijet će uspješnijem dijalogu u području upravljanja, zaštite i monitoringa voda. Načelnik općine Čapljina dr. Smiljan Vidić uvodnim riječima svečano je otvorio konferenciju, pozdravio sve nazočne te se zahvalio predavačima, naglasivši kako je uvjeren da će ova konferencija u veliko pomoći pri iznalaženju rješenja trenutno gorućeg problema. Predavanja su bila podjeljena u tri dijela: gospodarstvo, društvo i znanost, a glavne teme konferencije su: Zaštita voda, stanje voda i o vodnih ekosustava, hidrološki ekstremi i njihove posljedice; Upravljanje vodama, sustavi uređenja i korištenja voda i zemljišta; Sustavi javne vodoopskrbe, pročišćavanje otpadnih voda i razvojni projekti; Vodna politika, planiranje, međunarodna suradnja i društvena odgovornost. O ovim i mnogim drugim temama razgovarali su: Mate Franjičević, zamjenik ministra, Ministarstvo vanjske trgovine i ekonomskih odnosa BiH, Damir Mrđen, direktor Agencije za vodno područje Jadranskog mora, Nevenko Herceg, Predsjednik Vlade HNŽ i drugi. U sklopu znanstveno – stručne konferencije održalo se i predstavljanje knjige „Eksperimentalne metode u obradi otpadnih voda“ skupine autora. Recenzenti pri predstavljanju knjige su: Prof. dr.sc. Nevenko Herceg, Prof. dr.sc. Ivan Mijatović i Doc. dr. sc. Mario Šiljeg. Organizator ove znanstvene konferencije je općina Čapljina, a pod pokroviteljstvom Ministarstva poljoprivrede, šumarstva i vodoprivrede, Vlade Hercegovina – neretvanskog kantona, Agencije za vodno područje jadranskog mora i Elektroprivrede HZHB.

OSNOVNA ŠKOLA EDHEM MULABDIĆ DOBILA PROJEKT ENERGETSKOG UTOPLJAVANJA

Osnovna škola “Edhem Mulabdić” dobila je 18. januara/ siječnja projekat energetskog utopljanja prvog školskog objekta u našoj zemlji koji spada u kulturno-historijsko naslijeđe, saopćeno je iz Općine Stari Grad Sarajevo. Kompletanu projektno-tehničku dokumentaciju za projekat poboljšanja energetske efikasnosti izradila je firma Coning d.o.o. iz Sarajeva i poklonila je danas upravi škole. Izrada Glavnog projekta koji sadrži arhitektonsku, mašinsku i elektro fazu sa svim neophodnim dijelovima za objavu tendera i izvođenje radova – tekstualna obrazloženja, nacрте, detalje, šeme stolarije, te predmjer i predračun radova koštala je oko 40.000 KM, a troškove su snosili Coning d.o.o. i Fond za zaštitu okoliša FBiH koji je podržao ovaj pilot projekat u našoj zemlji.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Školi "Edhem Mulabdić", staroj više od 120 godina hitno je potrebno izvršiti zamjenu stolarije čime će boravak učenicima i nastavnicima biti znatno ugodniji, a procjenjuju se i velike uštede energije. "Ovo je vrlo značajan momenat za našu školu, koja ima tradiciju od preko 126 godina, koliko su stari i prozori i vrata koja koristimo. Ovaj projekat će omogućiti dalje apliciranje kod svjetskih i domaćih donatora za 'utopljanje' naše škole, prvenstveno promjenom starih prozora, što bi za 50% smanjilo troškove koje sada izdvajamo za grijanje", kazala je direktorica škole Aida Omersoftić. Direktorici Omersoftić glavni projekat "Energetska efikasnost u objektima od kulturno-historijskog značaja – OŠ 'Edhem Mulabdić' Sarajevo" uručio je danas direktor firme Coning d.o.o. Sarajevo Kenan Buturović. "Energetska efikasnost je danas vrlo aktuelna tema i mnogi govore o njoj, te nastoje provesti takve projekte. Nažalost, kroz projekte energetske efikasnosti vrlo rijetko se uključuju objekti koji spadaju u kulturno-historijsko naslijeđe, kao što je ovaj, pa tako naši najvredniji objekti ostaju nezaštićeni. Mi smo kao društveno odgovorna firma, pored poslovne motivacije, imali za cilj i podizanje svijesti svih ljudi, kako onih na vlasti, tako i ljudi iz medija, kolega i ostalih, na važnost ovakvih objekata", kazao je Buturović. Energetske obnova objekata poput OŠ "Edhem Mulabdić" je jedna od najkomplicovanijih jer projekat ne mogu raditi samo ljudi iz inženjerske struke, arhitekti i građevinci. Moraju se uključiti i historičari, arheolozi, te stručnjaci iz inostranstva koji već imaju iskustva sa energetsom konzervacijom. Coning d.o.o. je konsultovao sve navedene stručnjake u izradi ovog projekta. "Sada je, sa ovim projektom, objekat potpuno spreman za izvođenje. Preostaje nam posljednji i najveći korak, a to je pronalazak investitora za energetska utopljanje prvog objekta ovakve vrste u našoj zemlji", dodao je Buturović.



Ovo je vrlo značajan momenat za našu školu, koja ima tradiciju od preko 126 godina, koliko su stari i prozori i vrata koja koristimo. Ovaj projekat će omogućiti dalje apliciranje kod svjetskih i domaćih donatora za 'utopljanje' naše škole, prvenstveno promjenom starih prozora, što bi za 50% smanjilo troškove koje sada izdvajamo za grijanje", kazala je direktorica škole Aida Omersoftić.

POTPISANI UGOVORI O POČETKU GRADNJE VJETROELEKTRANE PODVELEŽJE- NAJAVLJIVANE OSAM GODINA



U gradskoj vijećnici Grada Mostara svečano su potpisana dva ugovora kojima i praktično kreće izgradnja Vjetroelektrane na Podveležju. Potpisivanju je prisustvovao i premijer Federacije Bosne i Hercegovine Fadil Novalić. Gradonačelnik Mostara Ljubo Bešlić potpisao je kao investitor Ugovor o izvođenju radova na rekonstrukciji lokalne prometnice L13 u naselju Podveležje, koji je dio Projekta izgradnje VE Podveležje 1. Taj ugovor je vrijedan 1.185.000 KM, a rok gradnje je deset mjeseci. Investitor u drugom ugovoru je JP Elektroprivreda

BiH, a radi se o izgradnji pristupnih puteva, servisnih prometnica i montažnih platoa za kranove VE Podveležje, koji se nalaze unutar vjetroparka. Ugovor je potpisao generalni direktor JP Elektroprivreda BiH Bajazit Jašarević. Taj ugovor je vrijedan 5.252.000 KM. Gradonačelnik Mostara rekao je kako je danas lijep dan za Mostar, jer se ovaj potpis ugovora čekao već dugo. Zahvalio se premijeru Novaliću na dolasku te dodao: "Ovaj projekat smo najavljivali osam godina. Želja nam je da Mostar, a i ova regija, kroz ovakve projekte poprave uvjete življenja, da se ljudi zaposle te samo na taj način vidimo perspektive i održivi razvoj.



Grb Grada Mostara

Održivog razvoja nema bez investicija i podrške viših nivoa vlasti". "Ove sedmice smo već drugi put na sastanku s gradonačelnikom, gdje je tema Mostar i specifična tačka investicije. Svjesni smo odsustva investicija u Mostar te to trebamo pokrenuti, prvo kroz državna preduzeća, da bi smo oživjeli privredni život. Ovo je mala suma, ali ovo je početak prvog vjetroparka u Bosni i Hercegovini", naglasio je Novalić. Koliki je značaj ove investicije u energetske potencijale premijer Novalić je ilustrirao kroz brojke. Vjetroelektrana Podveležje trebala bi biti instalisane snage 48 MW, što je dva i po puta više nego Hidroelektrana Vranduk, čija je gradnja nedavno počela. Za Federaciju su ove investicije važne i zbog ulaganja u obnovljive izvore energije, što je isto veoma važno. Novalić je još jednom naglasio važnost da se sve ovo dešava u Mostaru: "Mostar obiluje problemima i nezaposlenošću, mi u Vladi insistiramo da prioritet naših preduzeća bude baš Mostar. To vidimo na ovom slučaju, tako će biti i kod autoceste". Istaknuta je komplikovanost investiranja u energetskom sektoru jer to zahtijeva velika finansijska sredstva. Investicija u ovaj vjetropark je 162 miliona KM. "Projekat je ovo na kojem istrajavamo deset proteklih godina. Hvala premijeru Novaliću na podršci u izgradnji objekata s obnovljivim izvorima energije. Odlučnost grada Mostara je bila presudna da dođemo do današnjeg dana", rekao je Bajazit Jašarević, generalni direktor JP Elektroprivreda BiH.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelsmmed.com
www.eacea.ec.europa.eu

SREBRENİK POKRIVEN VIDEO NADZOROM

Nedavno okončanim projektom "Srebrenik - grad sigurnog odrastanja" Centar Srebrenika pokriven je video-nadzorom sa 15 FULL HD kamera koje su postavljene na veće raskrsnice, te na ulaz i izlaz sa općinskog područja na Ormanici i Previlama. „Videonadzor smo uveli iz razloga povećanja sigurnosti i zaštite građana i imovine, prevencije u sprečavanju kriminalnih radnji, provođenja policijskih poslova radi rasvjetljavanja počinilaca prekršaja, odnosno krivičnih djela, kontrole saobraćaja u pokretu i mirovanju, kao i sigurnosti svih učesnika u saobraćaju“, kazao je načelnik Općine Srebrenik, Nihad Omerović. Radove na ovome projektu, vrijednosti oko 50.000 KM, izvela je domaća firma "AMD-Electronics", sastavljena je od domaćih stručnjaka, koja zahvaljujući i ovakvim projektima postaje sve prepoznatljivija na tržištu iz ove oblasti. „Drago nam je što smo, pobijedivši na javnom tenderu, u svom gradu dobili priliku da uradimo jedan ovakav zahtjevan projekat, koji treba da doprinese prije svega sigurnosti svih građana u Srebreniku. Kvalitetno odrađen posao je nama dobra referenca za buduće poslove, kako na našem području tako i šire“, kazao je direktor ove firme Damir Dorić, koji je pojasnio tehničke karakteristike ovoga projekta. „Postavljeno je 15 kamera sa vrhunskim kvalitetom slike, koje mogu snimati, zaustaviti i vraćati pregled snimka kada se auto kreće brzinom i više od 100km/h, gdje je moguće vidjeti boju auta i registarske tablice, što je posebno bitno. Pored ovih 15 kamera u sistem su uključene još 3 video kamere koje su postavljene u ranijem periodu, a na svim mjestima gdje se nalaze video kamere su vidno istaknuti znakovi da građani nailaze na zonu koja je pod video nadzorom. Svaka kamera je spojena optičkim kablom, kamere imaju "back up" napajanje i snimanje što znači da svaka kamera ima rezervno napajanje i radi i kada ne radi javna rasvjeta sa koje se napajaju tokom noći, a kamere nastavljaju snimati na internu memoriju čak i kada se, iz bilo kog razloga, ošteti optički kabal. Također, ovaj projekat je u potpunosti zaštićen od hakovanja ili bilo koje druge sabotaze zahvaljujući direct IP protokolu, jer je kamerama nemoguće pristupiti putem weba“, kazao je Damir Dorić, direktor ove kompanije. „U narednom periodu Općina Srebrenik će nastojati da postavi dodatnih 17 kamera s kojima će se pokriti i ostale lokacije kako u gradu Srebreniku tako i širom općine Srebrenik, kako bi imali što veću sigurnost naših građana“, kazao je načelnik Omerović. Nakon što je Općina Srebrenik zvanično završila ovaj projekat, video nadzor je, postupajući po Odluci Općinskog vijeća općine Srebrenik, predat na korištenje ovlaštenom kontroloru tj. Policijskoj stanici Srebrenik, čiji uposlenici 24 sata prate i vrše nadzor nad video kamerama. I građani Srebrenika su zadovoljni postavljanjem kamera, jer smatraju kako je to prije svega dobro za sigurnost svih njih. Ovaj strateški projekat Općine Srebrenik je podržala i kablovska televizija "TXTV" koja je za ove namjene ustupila dio svoje optičke mreže besplatno na korištenje i to na period od deset godina, sa mogućnošću produženja ugovora.



Grb Općine Srebrenik



Pratite našu
web stranicu

PROJEKAT RAZVOJA TRŽIŠNE POLJOPRIVREDE



Načelnik Općine Kakanj Nermin Mandra i direktor Centra za ekonomski i ruralni razvoj (CERD) Banja Luka Miodrag Matavulj potpisali su 24. januara/ siječnja u uredu načelnika sporazum o saradnji čiji je cilj provedba dijela aktivnosti projekta razvoja tržišne poljoprivrede – FARMA II kojeg finansira Američka agencija za međunarodni razvoj – USAID i Vlada Švedske. Ovim sporazumom Centar za ekonomski i ruralni razvoj Banja Luka se obavezuje da će istražiti i opisati potrebnu poljoprivrednu infrastrukturu na

području Kaknja, te da će te potrebe za poljoprivrednom infrastrukturom prezentirati Općini Kakanj, vladama, donatorima i drugim akterima koji mogu sufinansirati pojedine istražene investicije. Istraživanje će se provesti u saradnji sa Savezom poljoprivrednih udruženja "Kakanjska poljoprivreda-KAP" Kakanj.

Općina Kakanj ima obavezu da pruži podršku CERD-u i Savezu "KAP" Kakanj u aktivnostima pribavljanja kvalitetnih informacija za provođenje istraživanja, te da pruži podršku u organiziranju događaja na kojima će se prezentirati potrebna poljoprivredna infrastruktura na području Kaknja. Ovakve aktivnosti bit će realizirane u još 4 općine u BiH: Jablanica, Teslić, Travnik i Novi Grad. Potpisivanju ugovora prisustvovali su i šef Službe za privredu, urbanizam i zaštitu okoline Općine Kakanj Mirza Fazlić i predsjednik Saveza "KAP" Kakanj Nermin Marušić.



Grb Općine Kakanj

ODRŽAN SEMINAR „PROSTORNO PLANIRANJE ZAKONODAVSTVA- OSNOVNA NAČELA I PRAKTIČNA PRIMJENA“

Održan je seminar 17. januara/ siječnja u hotelu „Senad od Bosne“ na jezeru Modrac, koji je organizirala Federalna uprava za geodetske i imovinsko-pravne poslove i Jedinica za implementaciju projekta registracije nekretnina putem izabrane konsultantske kuće „MH Consulting“, a u okviru provedbe Projekta registracije nekretnina. Na seminaru, na kojem su učešće uzeli i predstavnici Općine Lukavac, bilo je govora o zakonskoj regulativi u oblasti prostornog planiranja, osnovnim principima, metodologiji rada i usklađivanju prakse, te poboljšanju saradnje među



akterima u sektoru zemljišne administracije u cilju poboljšanja kvaliteta usluga koje se pružaju korisnicima. Seminar je inače, bio namijenjen predstavnicima općinskih službi za katastar i prostorno planiranje, javne pravobranioce i javna komunalna preduzeća, ali, kako je kazala jedan od predavača Nasiha Pozder, sa sarajevskog Arhitektonskog fakulteta i za sve one koji donose odluke o tome kako će neka općina ili grad izgledati. Načelnik Edin Delić je u svom kratkom obraćanju prisutnima poželio dobrodošlicu dok borave na području općine Lukavac i uspješan rad tokom seminara, pocrtavši značaj imovinsko – pravnih pitanja, limitirajućih za realizaciju mnogih projekata na području grada i općine u cjelini. Prisutni su zaključili da je razmjena iskustava između predstavnika općinskih odjela koji se bave ovom problematikom neophodna, te da su seminari upravo prilika za to.



Grb Općine Lukavac

PREZENTIRANA SVRHA, NAMJENA I PLANIRANE AKTIVNOSTI ZA IZRADU GEOPORTALA



Djelatnici Uprava za geodetske i imovinsko-pravne poslove Hercegovačko-neretvanske županije na čelu sa ravnateljem Ivanom Leskom 18. januara/ siječnja su posjetili Općinu Čitluk, gdje su se sastali sa načelnikom Marinom Radišićem i njegovim suradnicima, na temu izrada Geoportala HNŽ-a. Sastanku su još prisustvovali i predstavnici tvrtke Geometrika d.o.o. iz Gruda, koja je u ulozi izrađivača portala izvršila prezentaciju sadržaja i funkcioniranja Geoportala. Na sastanku je prezentirana svrha, namjena i

planirane aktivnosti za izradu Geoportala. Svrha Geoportala je da se svim zainteresiranim korisnicima osigura uvid u prostorne podatke koji su po svojoj prirodi javni. Izradom Geoportala osigurati će se uvjeti za bržu razmjenu podataka nadležnih županijskih institucija i jedinica lokalne samouprave (JLS) u digitalnoj formi. Na taj način će se omogućiti razvitak sustava e-uprave. Namjena Geoportala HNŽ-a je, da se svim županijskim organima, te službama za upravu u JLS omogući korištenje prostornih podataka kojima raspolažu: Uprava, Federalna uprava za geodetske i imovinsko pravne poslove, JLS i Ministarstvo poljoprivrede, šumarstva i vodoprivrede HNŽ-e. Realizacija projekta Izrade Geoportala započela je krajem prošle godine, nakon provedenog javnog natječaja. Izrada Geoportala ide fazno, tako se u prvoj fazi na Geoportal postavljaju podatci Uprave, a zatim će institucija po institucija, nakon što osigura podatke iz svoje nadležnosti, iste objavljivati na Geoportalu. Objavom vlastitih podataka na Geoportalu svaka institucija će osigurati pristup svim do tada raspoloživim podacima. Faktički Geoportal bi trebao stalno rasti i obuhvaćati sve digitalne prostorne podatke kojima raspolažu županijske institucije i JLS na području županije. Pristup Geoportalu imat će ovlašteni djelatnici spomenutih institucija koje se bave prostornim podacima. Ova prigoda je iskorištena za razgovor o suradnji općine Čitluk i Županijske uprave za geodetske i imovinsko-pravne poslove na području uspostave i održavanje Adresnog registra, ažuriranja katastarskih podataka i potpore Uprave Općini Čitluk u rješavanju problema vezanih za upis prava vlasništva na građevinskom zemljištu.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelsmad.com
www.eacea.ec.europa.eu

Zatražio sam njihovu pomoć za Osnovnu školu u centru Kalesije. Obećali su mi da su spremni izgraditi novu školu, sa sportskom dvoranom i ostalim pratećim objektima. Na nama je sada da pronađemo adekvatnu lokaciju i pripremimo potrebnu dokumentaciju. Imamo čvrsta obećanja da će se već od aprila poduzeti konkretni koraci u tom pravcu“, kaže načelnik Džafić.

NAKON POSJETE OPĆINSKE DELEGACIJE: TURCI GRADE NOVU OSNOVNU ŠKOLU U KALESIJI

Općina Kalesija bi u narednom periodu mogla dobiti novu savremenu i modernu Osnovnu školu, sa pratećim objektima, na novoj lokaciji u centru Kalesije, čiju će izgradnju finansirati općina Gazi Osman paša iz Turske. Rezultat je ove posjete Turskoj općinskog načelnika Seada Džafića, predsjedavajućeg Općinskog vijeća Fadila Alića i savjetnika načelnika Fikreta Suljkanovića, koji su prilikom boravka u Istanbulu obnovili saradnju sa bratskom općinom Gazi Osman paša. Pored izgradnje škole, dogovorena je saradnja u oblasti privrede, kulture i sporta. Osim sastanka sa čelnicima bratske općine, načelnik Sead Džafić, sa saradnicima, ostvario je kontakte i sa načelnicima općina Bajram paša i Ejup paša, kao i sa privrednicima okupljenih oko udruženja Bosna- Sandžak, koje okuplja Bošnjake porijeklom iz BiH, Sandžaka, Makedonije i Kosova. Turski privrednici su izrazili spremnost i želju za ekonomskom saradnjom, a neki od njih su pokazali interes i za konkretna ulaganja na području kalesijske općine.





Po riječima načelnika Seada Džafića, poslijeratno bratimljenje sa općinom Gazi Osman paša do sada je bilo „mrtvo slovo na papiru“, a do konkretne saradnje nikada nije došlo. Međutim, nakon ove posjete uspostavljeni su bliži kontakti koji će rezultirati konkretnim projektima, od kojih će najveću korist imati građani općine Kalesija.

„Bili smo u posjeti Gazi Osman paša, koja ima negdje oko 500 hiljada stanovnika. Razgovorali smo o obrazovanju, kulturi, sportu, ali i drugim značajnim temama. Zatražio sam njihovu pomoć za Osnovnu školu u centru Kalesije. Obećali su mi da su spremni izgraditi novu školu, sa sportskom dvoranom i ostalim pratećim objektima. Na nama je sada da pronađemo adekvatnu lokaciju i pripremimo potrebnu dokumentaciju. Imamo čvrsta obećanja da će se već od aprila poduzeti konkretni koraci u tom pravcu“, kaže načelnik Džafić.

Dodao je da su turski domaćini izrazili spremnost za saradnjom i u drugim oblastima, prije svih kulture i sporta.

„Postoji mogućnost da već od ovog ljeta počnemo sa razmjenom kulturnih sadržaja. Novu posjetu Turskoj planirali smo u maju ove godine, kada ćemo odnijeti projektnu dokumentaciju za Osnovnu školu i tada ćemo konkretno dogovoriti posjetu Turskoj naših kulturno umjetničkih društava, naravno i njihov dolazak u Kalesiju. Izrazili su spremnost i za saradnju na sportskom polju. Na nama je da u narednom periodu sagledamo kako i na koji način tu saradnju da učinimo što efikasnijom“, govori Džafić i naglašava da je sada sve do nas.

„Ako se budemo ponašali kao u proteklih dvadesetak godina, od kada je potpisana Povelja, do konkretne saradnje neće doći. Dok sam ja načelnik ove općine sigurno ćemo ispoštovati sve što se dogovorimo i uspostaviti ćemo jako dobru saradnju sa našom braćom u Turskoj“, ističe Džafić.

Nakon posjete općini Gazi Osman paša, delegacija općine Kalesija posjetila je i udruženje Bosna – Sandžak, gdje su obavljani razgovori sa privrednicima porijeklom sa ovih prostora, koji su izrazili interes za ulaganja u Kalesiju.

„Sastanku je prisustvovalo oko 60 privrednika i načelnici još dvije istanbulske općine, Bajram paša i Ejup paša. Kod privrednika okupljenih u ovo udruženje postoji želja za investiranjem na prostor općine Kalesija. Kada bi bar jedan od njih 60 uložio novac i investirao u Kalesiju za nas bi to već bio uspjeh, jer bi već tada napravili neki pomak. Opet ponavljam, sve je do nas. Nastojat ćemo da dogovorim posjetu turskih privrednika općini Kalesija, gdje bi ih upoznali sa našim resursima i mogućnostima za privredna ulaganja“, kaže načelnik Džafić.

Delegacija Kalesije je obišla i vodovod u Istanbulu u kojem je zaposleno preko 7.000 osoba gdje se također razgovaralo o projektima pomoći Kalesiji.

Općinska delegacija je prilikom boravka u Turskoj posjetila i Internacionalno udruženje koje okuplja 26 zemalja, gdje je općini Kalesija ponuđena mogućnost bratimljenja i uspostavljanja saradnje sa općinama iz Azerbejdžana, ali i drugih zemalja.



Grb Općine Kalesija

POTPISAN UGOVOR SA ZEMLJORADNIČKOM ZADRUGOM VIP DRINA USTIKOLINA



Na prostoru Općine Foča FBiH u toku je implementacija projekta "Održivo zapošljavanje kroz ciljanu podršku u poljoprivrednom sektoru u istočnoj Bosni i Hercegovini". Projekat finansira Vlada Savezne Republike Njemačke, čija je vrijednost 100.000 KM. Učešće Općine Foča FBiH u ovom projektu je 35% od ukupnog ulaganja u projektu, dok je učešće korisnika 15%. Do sada su potpisani ugovori za 30 korisnika, te je izvršena isporuka i postavljanje platenika, a ovih dana se očekuje isporuka ostale tražene opreme. U sklopu ovog projekta 17. januara/ siječnja je u prostorijama

Općine Foča FBiH upriličeno i potpisivanje ugovora sa Zemljoradničkom zadrugom VIP "DRINA" Ustikolina, sa ciljem jačanja lanca vrijednosti u iznosu od 3.000 eura, kojima će se nabaviti sistem za zagrijavanje platenika površine 400 m², namijenjenom za proizvodnju presadnica jagodastog voća. U narednom periodu se očekuje i odabir 5 poljoprivrednih proizvođača sa ciljem uvođenja standarda organske proizvodnje.



Grb Općine Foča FBiH

MAJA JAČEVIĆ POKRENULA POSAO UZ POMOĆ OPĆINE CENTAR

"Pokrenula sam posao za koji sam se i školovala. Svaki početak je težak pa i ovaj naš, ali ja volim raditi sa djecom jer to me čini sretnom i ispunjenom. Posao smo pokrenuli prije četiri mjeseca i sva sredstva smo uložili u opremanje prostora našeg produženog boravka. Trenutno opstajemo od svog rada", istakla je Jačević.



Mlada magistrica pedagogije Maja Jačević se nakon nekoliko kraćih poslovnih angažmana našla na birou za zapošljavanje. Jačević je ostala rano bez roditelja i oslonca u životu, te je uglavnom sama morala pronalaziti načine kako bi uspjela što kvalitetnije izgraditi svoj život. U želji da nešto promijeni i sama se pobrine za svoje egzistenciju, prijavila se na javni poziv Općine Centar za finansiranje i sufinansiranje najboljih poslovnih projekata. Njen projekat je ocijenjen kao projekat vrijedan finansiranja, te su joj dodijeljeno 10.000 maraka. Puna

entuzijazma počela je izgrađivati svoj posao, otvorila je produženi boravak za djecu "Happy Days".

"Sa ovom podrškom koju smo dobili od Općine Centar počeli smo od nule i ta sredstva su nam bila dovoljna za početak da pokrenemo usluge kakve pruža naš produženi boravak. Ova pomoć nam je bila neka vrsta odskočne daske i vjetar u leđa", zadovoljno je kazala Jačević.

Prema riječima ove mlade poduzetnice, veliko je zadovoljstvo živjeti od svoga rada, jer se ujedno radi posao koji se voli i od kojeg se može zaraditi za život.

"Pokrenula sam posao za koji sam se i školovala. Svaki početak je težak pa i ovaj naš, ali ja volim raditi sa djecom jer to me čini sretnom i ispunjenom. Posao smo pokrenuli prije četiri mjeseca i sva sredstva smo uložili u opremanje prostora našeg produženog boravka. Trenutno opstajemo od svog rada", istakla je Jačević dodavši da ona i njene pomoćnice kroz kreativne radionice, čitanje, igranje, učenje, pisanje domaćih zadaća, a ponekad i pripremanje rođendanskih proslava, produktivno i zabavno provode vrijeme sa djecom koja borave u njihovom produženom boravku. Ova vrsta saradnje Općine Centar i mladih ljudi sa inovativnim idejama se pokazala jako kvalitetnom i poželjnom, pa će se sa takvom praksom, kako ističu iz Općine, nastaviti i ubuduće, saopćeno je iz Općine Centar.

TUZLA SE PRISJETILA MARTINA LUTHERA KINGA: PROMOVIRAJMO FILOZOFIJU LJUBAVI, A NE NASILJA

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Polaganjem cvijeća ispred spomen-biste i odavanjem počasti 17. januara/ siječnja je tačno u podne u Tuzli obilježen dan rođenja istaknutog borca za ljudska prava i jednakopravnost Martina Luther Kinga. Martin Luther King slovi za osobu koja je dala nemjerljiv doprinos civilizaciji. Svoj cjelokupan život posvetio je stvaranju i širenju harmonizacije među razlikama kao neophodnog elementa za suživot. Cvijeće su u ime Gradske uprave položili gradonačelnik Tuzle Jasmin Imamović i predsjedavajući Gradskog vijeća Aleksandar Vujadinovč, kao i zamjenik ambasadorice Sjedinjenih Američkih Država u Bosni i Hercegovini Paul Horovitz. "Uvijek je važno, a posebno danas, podsjećati na veličinu djela čovjeka koji je govorio da se mržnja ne može pobijediti mržnjom, jer se ni mrak ne može pobijediti mrakom, nego svjetlom. Tako se i mržnja može pobijediti samo ljubavlju", kazao je Imamović. On je podsjetio da je Martin Luther King govorio da čovječanstvo mora razviti metodu rješavanja konflikata među razlikama, a da osnova te metode treba biti ljubav.





Pratite našu
web stranicu

"Promovirajmo filozofiju ljubavi, a ne nasilja. Učinimo sve da naše zajednice i ljudi koji žive u njima žive i rade zajedno kako bismo izgradili jaču, odnosno zajednicu koja može postići puno više ciljeve", poručio je tokom današnjeg obilježavanja Horovitz. Na konstataciju da su u BiH, nažalost, još uvijek zastupljene podjele, Horovitz je kazao da u ovoj zemlji postoje ljudi koji su voljni da žive i rade na osnovu naprednih ideja Martina Luthera Kinga koje je na raspolaganje stavio svima nama. Današnjem obilježavanju prisustvovali su i članovi Nevladine organizacije Osmijeh iz Gračanice, koji su poručili da Martin Luther King predstavlja heroja koji mnogo znači mladima u BiH. "Kršenje ljudskih prava u BiH evidentno je svakodnevno, ali mi se nastojimo boriti protiv toga. U BiH imamo mlade ljude koji su spremni za ovaj put borbe, dok s druge strane ima i onih koje to ne interesuje. Kada je riječ o Martinu Lutheru Kingu, on je bio osoba koja je iz pepela napravila nešto i takvi ljudi svima nama trebaju biti idoli", kazao je u ime NVO Osmijeh Mirnes Mešanović. Bista Martina Luthera Kinga koja se nalazi u Tuzli poklon je Ambasade Sjedinjenih Američkih Država u BiH ovom gradu. Postavljena je u januaru 2003. godine i od tada građani Tuzle zajedno s građanima SAD-a obilježavaju dan rođenja ovog velikana, dobitnika nagrade za mir.

OPĆINA STARI GRAD PRELAZI NA MEĐUNARODNI STANDARD ISO 9001:2015

Općina Stari Grad Sarajevo prva je jedinica lokalne samouprave u našoj zemlji koja posluje prema međunarodnom standardu ISO 9001:2015, javljaju iz Sektora za odnose s javnošću i informacione sisteme Općine Stari Grad Sarajevo. Nalaz certificirajućeg audita provedenog 23. i 24. januara/ siječnja pokazuje da Općina Stari Grad posluje u skladu sa svim zahtjevima međunarodnog standarda, a aktivnim radom i zalaganjem menadžera i tima za kvalitet, kao i cijele organizacije, posljednih



mjeseci sistem je usklađen i sa zahtjevima najnovijeg međunarodnog standarda ISO 9001:2015. Ovlašteni auditor certifikacijske kuće "Bureau Veritas", Nijaz Alispahić, koji je provodio audit, kazao je da će uputiti preporuku certifikacijskoj kući za izdavanje međunarodnog standarda ISO 9001:2015 Općini Stari Grad. "U Općini Stari Grad je sve u skladu sa zahtjevima međunarodnog standarda. Vama je ovaj standard postao toliko blizak da je potpuno u primjeni, a uvedena su i mnoga poboljšanja u radu - što standard i nalaže," kazao je Alispahić po završetku audita. Alispahić je spomenuo službe u kojima su primijećena poboljšanja i prepoznati rizici u poslovanju, te pokrenute aktivnosti u cilju njihovog suzbijanja. Certifikacijska kuća "Bureau Veritas", na osnovu nalaza ovlaštenog auditora, dodijelit će međunarodni standard ISO 9008:210 Općini Stari Grad najkasnije za 15-ak dana. Općina Stari Grad je proteklih mjeseci

"U Općini Stari Grad je sve u skladu sa zahtjevima međunarodnog standarda. Vama je ovaj standard postao toliko blizak da je potpuno u primjeni, a uvedena su i mnoga poboljšanja u radu - što standard i nalaže," kazao je Alispahić.



Grb Općine Stari Grad Sarajevo

E-LEARNING KURS ZA OPĆINE I GRADOVE

Novi e-learning kurs - Angažman građana će biti pokrenut 07.02.2017. godine, od strane Svjetske banke - Kampusa otvorenog učenja.

Kurs je na engleskom jeziku i besplatan je.

Link za upis na kurs: <https://www.edx.org/course/citizen-engagement-game-changer-wbgx-ce01x>

Kurs se sastoji od:

- Kako i zašto je važan angažman građana;
- Uloga građana u kreiranju javne politike;
- Kako se angažovanjem građana može poboljšati pružanje javnih usluga;
- Uticaj nedavne inovacije u informacijske i komunikacijske tehnologije.

Kurs je podučio mnoge brojne vodeće stručnjake iz ove oblasti, uključujući Bet Noveck, direktor GovLab na New York Univerzitetu, John Gaventa, direktor istraživanja na Institutu za razvoj studija na Univerzitetu u Sussex, Rakesh Rajani, direktor građanskog angažmana i Vlada na Ford Foundation, Danny Sriskandarajah, generalni sekretar CIVICUS i Jonathan Fox, direktor Centra za istraživanje odgovornosti na Američkom univerzitetu.



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

facebook
Savez općina i gradova Federacije Bosne i Hercegovine na

Pratite Savez općina i gradova FBiH na

YouTube

Pratite Savez općina i gradova FBiH na

g+

NAJAVA OBILJEŽAVANJA DANA OPĆINA I GRADOVA ZA MJESEC FEBRUAR / VELJAČA

08. februar/veljača - Dan Općine Odžak. Tog dana 1996. godine prvi povratnici predvođeni policijskim snagama vraćaju se u svoje domove.

14. februar/veljača - Dan Grada Mostara. Na taj dan 1945. godine se 26. dalmatinska divizija ušla u Mostar. Nešto kasnije do grada su se probile i 19. dalmatinska i 29. hercegovačka divizija, a već oko 19 sati, na taj dan, gotovo sve njemačke i ustaške snage su napustile Mostara.

20. februar/veljača - Dan Općine Bužim. Na taj dan 1995. godine Predsjedništvo RBiH je Uredbom sa zakonskom snagom formiralo općinu Bužim.

21. februar/veljača - Dan Općine Ljubuški. Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.

22. februar/veljača - Dan Općine Jablanica i dan sjećanja na oslobođenje grada u Drugom svjetskom ratu.

22. februar/veljača - Dan Općine Jajce. Datum je ovo prvog pisanog pominjanja grada Jajca 1396. godine u Povelji iz dubrovačkog arhiva.

23. februar/veljača - Dan Općine Velika Kladuša. Ovaj datum je značajan kao sjećanje na prvo oslobađanje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.

26. februar/veljača - Dan Općine Bihać. Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.

29. februar/veljača - Dan Općine Ilijaš. Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

